

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), a u skladu sa Odlukom o usvajanju Programa utroška sredstava sa kriterijima raspodjele sredstava programa „Razvoj i afirmacija sporta i sportskih djelatnosti i podrška i promocija mladih“ tekućeg transfera neprofitnim organizacijama – Transfer za mlade utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta – Federalnom ministarstvu kulture i športa („Službene novine Federacije BiH“, broj: 26/26), federalna ministrica kulture i sporta objavljuje

JAVNI POZIV
za odabir partnerske organizacije Federalnog ministarstva kulture i sporta za stručnu i administrativno tehničku podršku Savjetu za mlade Federacije BiH

Sredstva za finansiranje programa dodijeliće se u skladu sa Odlukom o usvajanju Programa utroška sredstava sa kriterijima raspodjele sredstava programa „Razvoj i afirmacija sporta i sportskih djelatnosti i podrška i promocija mladih“ tekućeg transfera neprofitnim organizacijama – Transfer za mlade utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta – Federalnom ministarstvu kulture i športa („Službene novine Federacije BiH“, broj: 26/26).

Ukupan iznos raspoloživih sredstava: 50.000,00 KM i bira se jedna partnerska organizacija.

I Odabir za programe i projekte vršiće se za sljedeću namjenu:

1. Stručna i administrativna podrška radu Savjeta za mlade Federacije BiH

II Pravo podnošenja zahtjeva

Pravo podnošenja zahtjeva na ovaj Javni poziv imaju organizacije, udruženja i drugi nosioci koji obavljaju djelatnosti najmanje deset godina u oblasti mladih i omladinskog aktivizma ili strateškog planiranja registrovani u Federaciji Bosne i Hercegovine, izuzev privatnih organizacija osnovanih sa ciljem ostvarivanja profita.

III Kriteriji za odabir partnerske organizacije

1. Iskustvo u oblasti omladinske politike i ostvarena saradnja sa međunarodnim organizacijama od minimalno 10 godina,
2. Učešće u kreiranju javnih politika za mlade na teritoriji BiH,
3. Iskustvo u mentorskoj podršci tokom izrade zakonskih ili programskih dokumenata na nivou Federacije BiH,
4. Organizacioni kapacitet pravnog lica koji podrazumijeva stručne, tehničke i računovodstvene poslove,
5. Finansijska održivost i stabilnost organizacije (pozitivan godišnji finansijski izvještaj, stabilni izvori finansiranja);

IV Uslovi za uspostavljanje partnerstva i dodjelu sredstava za program

1. Potrebno je da aplikanti pripreme prijedlog konultantske i stručne podrške za rad Savjeta za mlade Federacije BiH, koji će sadržavati: mapiranje politika za mlade na nivou Federacije BiH, prijedlog radne verzije nacrtu izvještaja o položaju mladih u FBiH, prijedlog tematskih radionica i studijske posjete sa ciljem efikasnijeg praćenja politika prema mladim, plan terenske posjete i prikupljanju informacija o položaju mladih u FBiH, promocija rada Savjeta, prijedlog rada Savjeta u 2027. godine, način isplate naknade članovima Savjeta.

V Dokumentacija

1. Prijava, potpisana i ovjerena pečatom pravnog lica (original);
2. Uvjerenje o poreznoj registraciji - identifikacioni broj (kopija);
3. Rješenje o razvrstavanju - klasifikacija djelatnosti (original ili ovjerena kopija);
4. Uvjerenje Poreske uprave o izmirenim poreskim obavezama aplikanta ne starije od šest mjeseci do dana objave javnog poziva (original ili ovjerena kopija);
5. Aktuelni izvod iz registra u kome je aplikant registrovan, ne stariji od šest mjeseci do dana objave javnog poziva (original ili ovjerena kopija);
6. Potvrda banke u kojoj je navedeno da račun nije blokiran i iz koje se vidi broj transakcionog računa i ID broj korisnika, ne starija od šest mjeseci do dana objave javnog poziva (original ili ovjerena kopija);
7. Prijedlog konzultantske i stručne potpore u radu Savjeta za mlade Federacije BiH sa okvirnim finansijskim planom;
8. Bilans stanja i bilans uspjeha ili račun prihoda i rashoda za 2025. godinu, sa vidljivim pečatom Finansijsko-informatičke agencije (original ili ovjerena kopija);
9. Popis realizovanih projekata iz prethodnog perioda sa dokazima o realizaciji bez obzira na to od koga su sredstva dobijena (mogu se dostaviti potvrde o prethodno realizovanim projektima izdanim od strane finansijera te ugovori ili odluke o dodijeli sredstava);

DOSTAVLJANJE DOKUMENTACIJE

Sva zainteresovana pravna lica, koja ispunjavaju uslove tražene ovim Javnim pozivom, svoj Program, zajedno sa traženom dokumentacijom, trebaju dostaviti na adresu:

**Federalno ministarstvo kulture i sporta -
Federalno ministarstvo kulture i športa**

Obala Maka Dizdara 2
71 000 Sarajevo

NE OTVARATI – ZA JAVNI POZIV „Transfer za mlade“.

Prijave se mogu predati isključivo putem pošte zaključno sa 27. 8. 2026. godine.

NAPUTAK APLIKANTIMA

- Netačne i nepotpune prijave i prijave koje nisu dostavljene u navedenom roku neće biti razmatrane.
- Prijave korisnika, koji nisu opravdali namjenski utrošak sredstava dodijeljenih od strane Federalnog ministarstva kulture i sporta u posljednje tri godine, do dana objave ovog Javnog poziva, neće biti razmatrane.
- Potvrda banke, koja ne sadrži identifikacioni broj aplikanta, transakcioni račun aplikanta i izjavu o aktivnosti računa aplikanta, neće biti prihvaćena.
- U toku realizacije projekta, bilo koja promjena adrese, broja telefona, faksa ili promjene kontakta, ovlaštene osobe ili broja bankovnog računa, mora se dostaviti u pisanoj formi Ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- O rezultatima javnog poziva aplikanti će biti obaviješteni putem web stranice <http://fmks.gov.ba> u roku od 15 dana od dana zatvaranja Javnog poziva.
- Svaki član Komisije biće isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojem će davalac budžetskih sredstava odlučivati pojedinačno o svakoj prijavi.
- Podnosiocima prijava po Javnom pozivu dopušta se izjavljivanje prigovora u roku od pet dana od dana objave rezultata.
- Federalno ministarstvo kulture i sporta zadržava mogućnost da od aplikanata koji uđu u uži krug za odabir projekata zatraži prezentaciju programa, o čemu će aplikanti biti blagovremeno obaviješteni.